



10. oktober 2023

UKA 37/2023

Kalaallit Nunaanni eqqartuussisarnermik inatsisip allanngortinneqarnera pillugu inatsisissatut siunnersuutip (Inatsisit unioqqutinneqarneranni pinerluttoqarsimanerani paasiniaanermut ilaatillugu politiit inunnik sunniiniartartunik atuinerat il.il.) Namminersorlutik Oqartussanit akuersissutigineqarnissaa pillugu Inatsisartut aalajangiiffigisassaattut siunnersuut (Inuutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq)

Siumup pingaartippaa nunatsinni innuttaasut kikkugaluartulluunniit toqqissisimasumik avatangiiseqarlutik inooqataanissaat, taamaammallu inatsisunik atortitsineranut suliasaqarfiup iluani pitsanngorsaateqarfiureeraluartumi sulii pitsanngorsaatisanik iliuuseqaqataanissaq Siumumi tikilluaqqullugulu suleqataaffiguarusukkatsigu aallarniutigalugu oqaatigeqqikkusupparput.

Ajuusaarnaraluaqisumik nunatsinni pinerlunnerit pinerlunniarnerillu sakkortusiartorput, taamaammatt siunnersuummi matumani anguniagaasoq, tassalu inunnik sunniiniartartunik atuisinnaanermut aalajangersagaqalernissaq Siumup isumaa malillugu assut tapersersornartipparput.

Aalajangersakkap pineqartup atuutilersinneratigut isumarput naappertorlugu piffinni inukikkaluaqisuni imaluunniit innuttaasut akornanni politiinut unnerluutiginninnissamut sapiuffiusuni annertuumik paasiniaanerni iluaqutaasinnaanera naatsorsuuteqarfigaarput.

Assersuutigalugu ikiaroorartumik anngiortumik eqqussuineq tuniniaanerlu eqqarsaatigalugit innuttaasut annertuumik toqqissisimangissuteqarnerat amerlasuutigut politiinut anngunneq ajornerat tusartuupparput, namminermut pinerliisisoqarsinnaanera aarleqqutigalugu. Tamakku tamarmik eqqarsaatigalugit inunnik sunniiniartartunik atuilernermi suliat angusaqarfiunerumik suliarineqartalernissaat naatsorsuutigineqarsinnaasoq Siumumiit isumaqarput.

Taamatut naatsumik oqaaseqarluta siunnersuut aappassaaneerreqartigani Inatsisinut ataatsimiititaliami sukumiisumik suliarineqarnissaa innersuussutigaarput.

Anders Olsen
Siumut